



Maththa 8



Ana noca'ri ic'rapuruk athipa th'rek okakat cik noka'ran koKana ikaik noththok poCelil ana onnan poIeccuo oingkat than. Ana oIeccuo ana ul iammakothok thaththakkarakothe thipa then cakuruk.



Anakka ngapak ngomttathe noul, annan poIeccuo i'rekathok itti, "Ngapak ngomttathe." Annan i'rekat ul iareko itti, "Nokkot ila akwi'ret non."



Aieccuo i'rekat ul iareko itti, "Noppepet ng'ri ummuk," akin oppeppek. Ittina akwi'rekat kin itti, "Nokkwot ng'ri ngotte nan annethet pul pothipa."



3

Okin thokkathe menik ana pul pothipa pinathe ng'ri ioporttakot cik angothokkat ngapak, kwommat na ngaat ngngin anaruk ul iareko iokkuret ng'ri winat nan.




4

Ittina kwakkarathe pul ipipot thocipit, akwi'rekathok itti, "Ul appik wanane ul ngapak ioporot akin antonanekin ng'ri ngokwonyi akin thoththakathe p'rin anaruk ngkwangwothe ngapak cik ioporot manna ina."



5

Lon elli lokat lon ilommaththik lonomun nolon ilommaththik ila oIeccuo pokkotho noka'ran koKana noththok poCelil. Kwokenekathe ul iammakothok thrik thung ana wocckathe lon lung nomikit men.




6

Anakka oIeccuo paat thoPoththuruthon, kwaththiat opithe poPoththuruc ipopari akwicat cik ia'rangkal akkwongo ippa.



7

OIeccuo pothtathok ukun alü opa'rat cik nti iaak akurokat akwikkat cik akwokkinthet oIeccuo thu'rit.



8

Ana cipin cen akka cingki corungkot, ul wonakanthet oIeccuo ul iongo appik ana ia u'rupa iokithak wo'rot nan. Ul wonoka'ran appik wa'rntakathe tocürük, ana oIeccuo pittiekathe ul iongat mmio kurekkurek.



9

Kwokiccekathe u'rupa iokithak woppot anaruk kwakanno okorrornat u'rupa iokithak itti were akka okin thinat itti ook okkwen.




10

Ana ul appik wannekkekathe itti wathtok akka pu'ran pokat cik apanthan nti iaak apittiet kin appik.




11

Ana ul w'rek iomura woco'rin wakkakathe aneko pul ipakimico ana wonakanthok.



12

Okin thakanniat kathar ikakin onekkethek ngngin tokit koIeccuo akka ul wokat cik woppot ana okin thanyathe man nto'ra akin orpekat pul na'rangkal ia kwokat cik akwicat cik nan tokit koIeccuo.




13

Anakka oIeccuo pimmat thocokot tholon loKapik nomikit men akwi'rekat pul ipakimico itti, "Ukul, lon lang ilokithak loccikakathe." "Mpi'rethung itti, urokothe kapik aneko a'rangkal wang aeo tuan."




14

Ittina akwarrat ikuppurung konoi'ri aul iammakothok omakathok. Ana kanang kakkakathe accokkot norok akokkurarot kannan akikkat cik akokkurarot kuppurung athopangka thoi'ri ongu'rot ciki ithi'rot ai'ri ikkat cikangothukkwot ikuppurung. Anaruk oIeccuo pokat cik inthe.



15

Akwothiat tit itti, "Onon ithonu thoccokot tholon loKapik nomikit thotteik, nthontha akka annopelle?" Akurokat kapik akwothirriekat kanang cik ana thopangka thoi'ri ana cik cokkwathe ka appik. Ul woprttakatherit ana wikkatheik aipitto itti, "Pul pokartha empi? Pakanang ana thopangka thoi'ri occikot lon len."



16

Akka Kapik kongothe ul ncik nocapu appik mono akekat kin ukul wung iulukku, othakka itti amma okkwi okkwi ipoccoke the lon lokkul wen nocikit akwokorronno io anaruk akwikkoik thupuththuput.

40

60

17

Roma 3:23

Akka oron appik thokkothe lon lokithak ana oron thokakathe ciththan nothrik thoKapik

Roma 6:23

Akka lon ilokithak lana thio anaruk thethet nuthuk thoKapik thana thikkoik thothepuththuput iaMiccie oIeccuo Ili wonnon.

Ipranin 9:27

Ana ammakka pul iponyi ponu itti pio ca'ri culukku apanto'rikot thakkmako thung

Apuccuc 2:8,9

Akka onon tho'rettathe nti ithoporot nthoccokot lon nocikit. Ana lon len lakannoka nanon, Kapik kethet non nuthuk, ana okorronno oka nngre othakka itti akka apilin manna appipot ka thoura.

18

Roma 10:9,10

Ana ittina amma oung akki'ret nthon thang itti "OIeccuo ook Ili," ana occokot lon nocikit itti Kapik kurokierok nti ithio, ngkwa'rettat. Akka ngkwaccokot lon loKapik ncikit cang ana Kapik kothikkierung poporot ana ngkweret lon len nthon thang ana ngkwa'rettat.

Iuanna 3:16,17

Akka Kapik kongothe ul ncik nocapu appik mono akekat kin ukul wung iulukku, othakka itti amma okkwi ipoccoke the lon lokkul wen nocikit akwokorronno io anaruk akwikkoik thupuththuput. Akka Kapik kakannothiot ukul wung nocapu ncik appik othakka itti athakma ul nocapu anaruk itti atho'ret kin.

19

1 Iuanna 5:11-13

Ana lon elli ila Kapik keret laik itti, Kapik kethet ton thikkoik thothepuththuput, ana thikkoik enthi thaik ikkul wung. Okkwi ipoccoke the lon lokkul woKapik nocikit kwonu thikkoik thothepuththuput ana okkwi ipakannocokot lon lokkul woKapik nocikit kwella thikkoik thothepuththuput. Mpaik pakurrinenon lon elli onon ithoccoke the lon nomikit lok'ran kokkul woKapik othakka itti annina itti onon thonu thikkoik thothepuththuput.

20

Maththa 8-9; Markkoc 1-2, 4;
Lukka 4, 8; Iuanna 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Lumun NT (Imd) © (Active), Wycliffe Bible
Translators, Inc. All rights reserved

<https://www.bible.com/en-GB/bible/2493/MAT.1.LUMUN>

©2026 Bible for Children, Inc.

www.M1914.org

www.bibleforchildren.org